

鄆州志卷之八

紀事

易曰方以類聚物以羣分邑之所紀凡關乎國政
民風因革損益者既別類而彙詳之矣至於四境
之內千百年來或變出非常或事近怪異齊諧稗
史之所載遺民野老之傳聞剩事卮言雖在若疑
若信之間要亦志林所不廢也登之以爲曲終之
雅奏

祥異

宋太平興國八年七月潰河漲溢入城壞軍營民舍百餘區

明成化十七年南關皮場王廟泥判官時出惑人女感與之交民訴於官州守焚牒文於神前毀其像患始息蓋土偶之妖也

二十五年五月野蠶成繭民取為絹勝於常產市中貨者無數是月民人張海家產一桃實甚大金色儼如梨味與常桃迥異識者以為金桃

邢州志

卷之八 紀事

二

正德七年夏六月民謠言有怪物入人室中遭之者如魘魅或至身帶傷痕民相聚擊鑼鼓禁之不敢家居閱月餘始息

十二年夏六月大水傷禾稼殆盡冬大飢人相食十三年春大瘟疫死者無算

嘉靖元年夏五月雨雹大如拳大風拔民居石佛村楊樹大幾合抱迅雷擊之裂而為二越三日復屬天啟六年夏六月初三日地震有聲大風拔木秋七月暴雨如注定州李村唐河決水深數丈直衝州

城不沒僅六尺居民湮沒無算

國朝

康熙十八年秋大水

三十一年正月初一日城隍廟災

三十九年秋飛蝗蔽日

四十二年五月麥將熟遍生黑蟲似蠶而小一晝夜
團團皆滿嚙傷二麥狼藉滿地近民處更多至無
下足處數日始盡

五十年三月二十八日大風拔木南城樓崩

祁州志

卷之八

祥異

三

五十九年六月初七日地震

六十一年春夏大旱六月二十日始雨歲大歉斗米
至千錢七月大雷雨東枕里村外楊樹兩株大幾
合抱烏雲一過樹皆無有唯見碎枝滿地木絲皆
揉如亂麻

雍正四年麥將熟一夜唐河水陡發汎濫非常麥之
在地者淤到登場者湮沒一空亦罕有之變也

七年八月地震

十二年三月大風赤沙掩日白晝如晦

乾隆二年六月十三日始雨以後霖雨害稼河水泛溢近河村莊皆被淹沒

三年春夏大旱秋復大雨連日房屋倒塌禾稼生蟲民困堤工歲大饑閏七月雨中有一物如鐵絲見於東街車轍中識者辨其爲鼈置於廣惠寺前水中不知所終八月初間城北流村有鳴蟲俗名刮刮又名驢駒產一物如絛長七八寸許入水暴長二尺餘狀如蚯蚓而細蜿蜒自如一夕忽不見八年五月大熱屋壁地榻什物盡如火炙人多熱死

連六七日一夜清風微雨熱始止

十五年六月二十九日大雨連日三河水漲東南一帶平地水深丈餘沿河禾稼一空

十六年七月蝗蝻傷禾

十七年春大旱五月初四日大風黃沙四塞日爲無光二麥及秋禾盡壞七月蝗蝻遍生禾稼嚙傷甚於十六年

十八年五月初五日雨雹大如雞子由西而東傷田禾數十里

十九年大有年

二十年二麥大熟

邠州志

卷之八

祥異

五

兵寇

晉開運二年二月契丹入寇陷祁州刺史沈斌死之
宋端拱二年十一月契丹陷祁州

咸平二年十月契丹主隆緒入寇縱掠祁州

五年遼世戚蕭撻凜下祁州

建炎元年爲金撻懶所破

紹興九年三月王倫議和至汴金兀朮自祁州渡河

北還

八月撻懶謀反南走金追至祁州殺之

祁州志

卷之八 紀事

六

嘉定七年爲紅襖賊周元兒所破尋復之

雜說

崇禎末年流寇攻城累日將破忽賊衆惶惶奔竄驚言城上一將赤面長鬚綠袍黃蓋乘馬盤旋凜然若關聖州人亦隱隱見之亟詣廟見神像汗浹如雨若方解甲之狀男婦跽禱羣以巾拭之至今傳神助守城之異

雍正五年六月訛言採選秀女民間嫁娶若狂官不能禁六七日乃止

狀元泉名之由來莫考相傳在東城牆下文昌閣之

祁州志

卷之八 紀事

七

南建城時鑄得一泉圓經二尺許水湧出四溢當事者以爲不利於城覆以鐵釜而泉因以塞

古槐在城內州治南相傳此樹置自唐時大數圍高六丈許幹如游龍枝葉繁茂大可陰畝

地平井在州東安固城增築土臺四圍砌以磚高可三丈許長廣五倍之上建大雄殿旁有古井甘冷特異投以小石聲錚錚然與他井不同測其高下水面與臺外地下

仙靈城在州北淤村古堤口外平原宏廠樹木叢雜

每春夏時平明遠望煙霧聚結宛然城郭墻堞畢具近視之復移而北亦異景也

關漢卿故里漢卿元時祁之伍仁村人也高才博學而艱於遇因取會真記作西廂以寄憤脫稿未完而死棺中每作哭涕之聲狀元董君章往弔異之乃檢遺稿得西廂記十六齣曰所以哭者爲此耳吾爲子續之携去而哭聲遂息續後四齣以行於世此言雖云無稽然伍仁寺旁有高基一所相傳爲漢卿故宅而北西廂中方言多其鄉土語至今

祁州志

卷之八

紀事

八

監子庸夫猶能道其遺事故特記之以俟博考

王羽士不知何許人遊方來祁住劉村玉皇廟貌修偉髮垂過膝言動似有瘋顛狀終日坐蒲團屈膝瞑目不飲食者常至數日一食可斗粟衣敝衲歷冬夏不以寒暑而更能決豐歉陰晴禱雨輒應士民有以事叩者方至卽悉其始末可否遠近重之或詢以年則咲而不答一日忽語其徒曰吾將他往矣端坐而逝